



# CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

## ACTA DA SESIÓN CONSTITUTIVA DO CONCELLO DE MESÍA CELEBRADA O DÍA 13 DE XUÑO DE 2015

### CONCELLEIRO/AS ELECTOS/AS:

PSdeG-PSOE (IND):

D: Mariano Iglesias Castro.

D<sup>a</sup> Pilar Sánchez Ulloa.

D. Gervasio Sánchez Barreiro.

D. José Pardo Álvarez.

D: José Antonio Calviño Gómez.

D. José Fernando García Lesta.

D<sup>a</sup> María Amparo García Pernas.

D José María Tojo Espiñeira.

D: José Piñeiro Blanco.

PP:

D. Adolfo Manuel Grobas Vázquez.

D. José Manuel García Sesmonde.

### SECRETARIO-INTERVENTOR:

D. Eladio Bendaña Pardo

En Mesía, a 13 de xuño de 2015, sendo as once horas e trinta minutos, na Casa do Concello, logo da convocatoria para o efecto, reuníronse, en primeira e pública convocatoria, os señores concelleiros que se relacionan na marxe, co obxecto de celebrar sesión constitutiva da Corporación Municipal.

A tódolos asistentes entregáraselles copia da Orde do Día, cos asuntos para tratar, poñéndose á súa disposición o expediente da sesión e cumprindo os trámites esixidos pola normativa vixente. Pásase a continuación a tratalos seguintes asuntos incluídos na Orde do Día.

## 1. CONSTITUCIÓN DA CORPORACIÓN.

Toma a palabra o Secretario da Corporación dicindo que na presente sesión vaise proceder á constitución da Corporación resultante das pasadas eleccións municipais celebradas o día 24 de maio de 2015 así como á elección do Alcalde Presidente da mesma. O artigo 195 da Lei Orgánica do Réxime Electoral Xeral dispón:

*“1. As Corporacións municipais constitúense en sesión pública o vixésimo día posterior á celebración das eleccións, salvo que se houberse presentado recurso contencioso-electoral contra a proclamación dos concelleiros electos, en cuxo suposto constitúense o cuadraxésimo día posterior ás eleccións.*

*2. A tal fin, constitúese unha Mesa de idade integrada polos electos de maior e menor idade, presentes no acto, actuando como secretario o que o sexa da Corporación.*

*3. A Mesa comproba as credenciais presentadas, ou acreditacións da personalidade dos electos con base nas certificacións que ó Concello houberse remitido a Xunta Electoral de Zona.*

*4. Realizada a operación anterior, a Mesa declarará constituída a Corporación si concorren a maioría absoluta dos concelleiros electos. En caso contrario, celebrarase sesión dous días despois, quedando constituída a Corporación calquera que fose o número de concelleiros presentes.”*



## **CONCELLO DE MESÍA (A CORUÑA)**

15685 XANCEDA C.I.F.: P-1504800 B Telf. (981) 68 70 01 – Fax 68 70 69

Todos os concelleiros proclamados electos asisten á presente sesión, polo que concorre a maioría absoluta do número de concelleiros electos esixida na lei. Así mesmo todos os concelleiros electos cumpriron co requisito de presentación da súa credencial, requisito esixido polo artigo 7 do Regulamento de organización, funcionamento e réxime xurídico das Entidades locais, e tamén todos os concelleiros electos presentaron as declaracións relativas ó Rexistro de Intereses ás que fai referencia o artigo 75.7 da Lei 7/1985, do 2 de abril, reguladora das bases do réxime local.

Tendo en conta o antedito procédese a constituír a Mesa de Idade, que estará integrada polos concelleiros presentes de maior e menor idade, que son, respectivamente, D. José María Tojo Espiñeira e D<sup>a</sup> Pilar Sánchez Ulloa. Presidirá a Mesa o concelleiro de maior idade, D. José María Tojo Espiñeira, actuando como secretario da Mesa quen o é da Corporación.

Comprobadas as credencias presentadas dos electos que deben forma a Mesa de Idade con base na certificación que ó Concello remitiu a Xunta Electoral de Zona, declárase constituída a Mesa de Idade por estar presentes nesta sesión as persoas a quen corresponde formala.

Procédesse de seguido por parte da Mesa á comprobación das credenciais presentadas polos electos con base na certificación que ó Concello remitiu a Xunta Electoral de Zona.

Estando comprobadas as credencias sinala o Sr. Secretario que o artigo 108.8 da Lei Orgánica do Réxime electoral establece que *“No momento de tomar posesión e para adquirir a plena condición dos seus cargos, os candidatos electos deben xurar ou prometer acatamento á Constitución, así como cumprimentar os demais requisitos previstos nas Leis ou regulamentos respectivos.”*

Para a toma de posesión utilizarase a fórmula de xuramento ou promesa recollida no Real Decreto 707/79, de 5 de abril, ante un exemplar da Constitución: ¿xurades ou prometedes pola vosa conciencia e honra cumprir fielmente as obrigas do cargo de concelleiro do concello de Mesía con lealdade ao Rei e gardar e facer gardar a Constitución como norma fundamental do Estado?

De seguido, o Sr. Secretario vai nomeando ós Sres. Concelleiros segundo a orde establecida na certificación remitida pola Xunta Electoral de Zona, contestando:

D. Mariano Iglesias Castro, si, xuro, D<sup>a</sup> Pilar Sánchez Ulloa, si, prometo, D Gervasio Sánchez Barreiro, si, prometo, D José Pardo Álvarez, si, prometo, D José Antonio Calviño Gómez, si, prometo, D José Fernando García Lesta, si, prometo, D<sup>a</sup> María Amparo García Pernas, si, prometo, D José María Tojo Espiñeira, si, prometo, D José Piñeiro Blanco, si, prometo, D Adolfo Manuel Grobas Vázquez, si, prometo, D José Manuel García Sesmonde, si, prometo.



# **CONCELLO DE MESÍA (A CORUÑA)**

15685 XANCEDA C.I.F.: P-1504800 B Telf. (981) 68 70 01 – Fax 68 70 69

Téndose cumprido o disposto no artigo 195 da Lei Electoral e Real Decreto 707/1979, a Mesa de Idade declara formalmente constituída a Corporación Municipal de Mesía.

O Sr. Secretario pon de manifesto que, de acordo co establecido no artigo 36.2 do Regulamento de organización, funcionamento e réxime xurídico das Entidades locais, están a disposición de todos os membros da Corporación os xustificantes económicos e a documentación relativa ó Inventario de Bens da Corporación

## **2. ELECCIÓN DE ALCALDE.**

De seguido procederáse á elección do Alcalde, de acordo co procedemento previsto no artigo 196 da Lei orgánica do réxime electoral, que establece:

*“Poden ser candidatos todos os concelleiros que encabecen as súas correspondentes listas.*

*Si algún deles obtén a maioría absoluta dos votos dos concelleiros é proclamado electo.*

*Si ningún deles obtén dita maioría é proclamado Alcalde o concelleiro que encabece a lista que obtivera o maior número de votos populares no correspondente municipio. En caso de empate resolveríase por sorteo.”*

Manifesta o Sr. Secretario que o sistema normal para a adopción de acordos é o ordinario de manalzada. Non obstante si se quere elixir ó Alcalde por votación nominal ou secreta requirirá a solicitude de algún grupo neste sentido e ser aprobado por maioría simple ou absoluta, respectivamente, dos concelleiros presentes. Non habendo manifestacións ó respecto, vótase a manalzada. En canto ás candidaturas á Alcaldía, salvo que algún renuncie expresamente, serían candidatos todos os concelleiros que encabezaron as súas correspondentes listas:

D. Mariano Iglesias Castro, que encabeza a lista, como independente, do PSdeG-PSOE

D. Adolfo Manuel Grobas Vázquez, que encabeza a lista do PP

Procédese, de seguido, á votación

Votos a favor de D. Mariano Iglesias Castro: nove (9) votos.

Votos a favor de D. Adolfo Manuel Grobas Vázquez: dous (2) votos.

En consecuencia queda proclamado Alcalde o concelleiro que obtén a maioría absoluta de votos, D. Mariano Iglesias Castro, candidato que encabeza a lista, como independente, do PSdeG-PSOE.

De seguido procede o xuramento ou promesa do Sr Alcalde para o seu cargo conforme á fórmula de xuramento ou promesa recollida no Real Decreto 707/79, de 5 de abril, ante un exemplar da Constitución, ¿xurades ou prometedes pola vosa conciencia e honra cumprir fielmente as obrigas do cargo de Alcalde do concello de Mesía con lealdade ao Rei e gardar e facer gardar a Constitución como norma fundamental do Estado? O Alcalde xura o seu cargo.



## **CONCELLO DE MESIA (A CORUÑA)**

15685 XANCEDA C.I.F.: P-1504800 B Telf. (981) 68 70 01 – Fax 68 70 69

O Sr. Presidente da Mesa entrégalle o bastón de mando representativo do seu cargo ó Sr Alcalde, quen asume a presidencia da sesión e, en primeiro lugar, cédelle a palabra ó Sr. Grobas, quen manifesta que quero dar as grazas aos meus compañeiros de lista, e a todos os que me deron o seu apoio cos seus votos. Así mesmo, quero felicitar ao Sr. Alcalde e ao seu grupo pola vitoria.

Toma a palabra o Sr. Alcalde, quen manifesta que quero dar as grazas a todos os presentes pola vosa compañía neste acto, dar así mesmo a benvida aos novos concelleiros do meu grupo e do Partido Popular. Espero que esta sexa una lexislatura cordial e construtiva polo ben dos veciños. O noso grupo será xeneroso e receptivo, o meu despacho estará sempre aberto e non diremos que non a nada que sexa beneficioso para os nosos veciños. Esperemos que as discrepancias queden no ámbito político. Moitas grazas a todos por vir e ogallá sexa una lexislatura frutífera para os nosos veciños.

Non habendo máis asuntos que tratar, o Sr. Alcalde, sendo as once horas e cincuenta minutos, levanta a sesión, da que eu, Secretario – Interventor, certifico.

Visto e Prace,